

in vitam denuo excitavit, verum etiam
pristinæ, & valetudini, & integritati ita
restituit, ut in eo ne minimæ quidem læ-
sionis reliquum ullum vestigium apparet.
Cujus miraculi famam alterius etiam exitus
postea auxit, infantulus enim, quem ma-
ter mortuum ediderat, a patre ad Beati viri
tumulum translatus, cum primum is pro
filiolo voto se Deo pie obstrinxit, magna
cum omnium admiratione vivere statim
cœpit. Accessit aliud quoque admirabile
ipsum in Ursulam quamdam factum, quæ
cum maximis deplorati morbi doloribus
toto biennio jactata, eo tandem devenisset,
ut omnis melioris valetudinis spe abjecta,
ipsum jam mensis duos nullo amplius cibo,
sed aqua dumtaxat vitam tueretur, Agnete
tandem filia B. Hyacinthi opem suppliciter
implorante, optatam salutem recuperavit.
Postremo cujusdam Barbara Cracoviensis
fœmina, quæ ex partu in hydropisim inci-
derat, ita ut jam de illius salute ab omnibus
esset desperatum, valetudo, nulla prorsus
humana medicina, sed unius B. Hyacinthi,
cui sese commendaverat pietate, ac meritis,
redintegrata, eximiam servi Dei sanctita-
tem clare confirmavit.

Ex supradictis
causis Pont.
Canonizationis
negotium
absolvere.

§.17. Quibus sane signis, multisque aliis
ad eandem B. Hyacinthi sanctitatem com-
probendam pertinentibus rebus adducti, ac
præterea constanti omnium Ordinum disti-
Regni, & ejusdem Sigismundi Tertii Regis,
ac Dominicane Religionis petitioni satisfacere
cupientes, cum id maxime idem Sigis-
mundus Rex per prædictum Stanislaum
Mynski suum apud Nos Oratorem, ipse
vero Dominicanus Ordo per dilectum fi-
lium fratrem Joannem Vincentium Aristo-
ricensem ejusdem Ordinis Prædicatorem,
Generalem a Nobis postulaverit, ut quonia-
m quæcumque ad acta, & processum
B. Hyacinthi spectabant, ex hujus Sanctæ
Sedis præscripto expedita, ac perfecta erant,
Nos, quibus ea de re statuendi potestas a
Deo est tributa, ad hujusmodi negotium
definendum omnes auctoritatis Sanctæ Se-
dis Apostolicæ, & nostræ, partes conferre-
mus, de eo ipso non prius tamen, quam
rebus omnibus diligenter, ut par est, cir-
cumspèctis hoc tempore Nobis decernen-
dum esse existimavimus.

Habitis pluri-
bus consulta-
tionibus per
Card. fratris
Ritus depu-
tatos, & pro-
cessu exami-
natos, in Con-
sistorio secre-
to fuit decre-
tum, B. Hya-
cinthum cano-
nizandum esse.

§.18. Crebris igitur, ac diuturnis supra-
dictorum Venerabilium Fratrum nostrorum
S. R. E. Cardinalium Congregationis
Sacrorum Rituum Consultationibus, hac
ipsa de re etiam nostro tempore habitis, &
processu omni ex Sacrorum Canonum præ-
scripto ab eisdem viso, & examinato, quin
etiam viris in Sacra Theologia, ac Pontifi-
cio jure versatis in consilium adhibitis, cum
nihil jam desiderari videretur, secretum
Consistorium indiximus, in quo Venerabi-
lis Frater noster Alphonsus Episcopus Othien-
sis Cardinalis Gesualdus, cum suo, tum cæ-
terorum Cardinalium Congregationis Sa-
crorum Rituum nomine, omnia ad eam
rem spectantia exacte, ac prudenter expli-
casset, id demum in summa retulit, De
B. Hyacinthi fide, vita, ac miraculis se, &

Cardinales collegas suos sentire, omnia
probata esse, quæ ad Canonizationem ex
divini juris præscripto pertinerent, eamque
ob causam, posse Beatum illum (si idem
Nobis videretur) in Sanctorum numerum
cooptari.

§.19. Qua quidem re intellecta, vehe-
menter in Domino lætati sumus, quod ad
augendam servi sui dignitatem facultas No-
bis hoc tempore se offerret. Nulla igitur
officii partem ad peragendum tanti momen-
ti negotium præmittendam esse cen-
sentes, veteri Romanorum Pontificum Præde-
cessorum nostrorum exemplo adducti, man-
davimus, ut de re ad exitum perducenda pro
ipsum gravitate diutius deliberaretur. Ita-
que aliquot dierum spatio interjecto, publi-
cum Consistorium hanc ob rem indiximus,
non modo Venerabilium Fratrum nostrorum
Sanctæ Romanæ Ecclesiæ Cardinalium
confessu, sed etiam Patriarcharum, Ar-
chiepiscoporum, Episcoporum, & Præla-
torum, cæterorumque Familiarium nostrorum
conventu frequens, in quo quidem di-
lectus filius Cincus Campanus Consistorialis
Aula nostræ Advocatus, res gestas, & Beati
Hyacinthi virtutes, fidei ipsius sinceritatem,
vitæ sanctitatem, ac miracula oratione
de more est complexus, ac deinde ejusdem
Sigismundi III. Regis, totiusque Polonia
Regni, ac Religionis Dominicane nomi-
ne, ut ipsum in Sanctorum numerum
referremus, suppliciter a Nobis postulavit.
Quod cum præsentibus ipsi audivissemus, in-
stata lætitia viscera nostra perfundi sensimus.
Divina erim voluntate evenisse intel-
ligebamus, dictum Sigismundum Regem,
cui nunc maxima duorum præstantium re-
gnorum moles incumbit, ideo de Beato
Hyacintho inter Sanctos aggregando incre-
dibiliter laborare, ut nimirum nova sibi,
suisque Regnis firmæ apud Deum interces-
sionis patrocinia compararet. Itaque respon-
dimus, in tam sollicita, tamque constanti
optimi, ac piissimi Regis postulatione, in-
esse eximie illius religionis significationem
haud hac animi sui virtute alienam, neque
indignam præstanti ejus divini cultus ampli-
ficandi desiderio. Diximus etiam permagna
Nobis esse voluptati, eoque animum nos-
trum ad gratias Deo agendas vehementer
excitari, quod quibus servis sempiternæ
beatitudinis premia jamdiu in Cœlis sunt
tributa, eosdem etiam in terris ab homini-
bus coli velit Deus, ut Christifideles, vel
illorum intercessione celestia auxilia faci-
lius promerentur, vel eorumdem imita-
tione expeditius ad cœlestem, qua ipsi jam
perfruuntur, gloriam perducantur. Summa
denique responsionis nostræ hæc fuit,
Nobis quidem esse constitutum gravissimæ
illius petitioni non deesse, causa tamen ma-
gnitudinem obstare, quo minus in summa
ipsius, totiusque sui Poloniæ Regni voluntate
res ipsa a Nobis adhuc præstari possit, ut
quibus eadem de re cum venerabilibus Fra-
tribus nostris Sanctæ Romanæ Ecclesiæ Car-
dinalibus, & cæteris Episcopis diligenter
tractandum esset. Quocirca eosdem Car-
dinales,

Indictio Con-
sistorio publi-
co, Papa ad
Deum oratio-
nes fieri iussit
pro inspiratio-
ne ejus quod
agendum esset.

nales, & Episcopos etiam, atque etiam
monimus, ut non solum quæcumque hac
ipsa in causa versarentur, omni studio adhi-
bito examinarent, verum etiam conjunctis
precibus Deum deprecarentur, ut mentibus
nostris lucem præferret ad ea demum agen-
da, quibus divinæ illius gloriæ amplitudo,
& totius Ecclesiæ utilitas augetur.

Indixit postea
aliud secreti
Consistorii,
in quo omnium
voto conclu-
sum fuit Can-
onizationem
faciendam, &
ideo præfiri-
vit diem futu-
ra Dominice
in Albis pro
ea absolvenda

§.20. Hisce deinde perfectis rebus, Con-
sistorium secretum rursus indiximus, in quo
etiam Patriarchæ, Archiepiscopi, Episco-
pi, qui tunc in Urbe erant, ac nostri, &
Sedis Apostolicæ Notarii, & Sacri Palatii
Auditores mandato nostro vocati adfuerunt.
Tunc igitur Nos pro nostra, & Sanctæ hu-
jus Sedis, in qua a Deo collocati sumus,
auctoritate, & potestate, & pro singulari
Spiritus Sancti in eadem Sedem, quæ ip-
sius infallibili sapientia gubernatur, præsidio,
ea diximus, quæ ad rem propositam, atque
ad illius temporis rationem in primis ac-
commodata esse videbantur. Postremo cum
eisdem Cardinalibus, cæterisque Episcopis
egimus, ut præcisè responderent, utrum
ex processu, & ex rebus in eo comprehen-
sis, ac probatis, Beatus Hyacinthus canoniz-
andus videretur. Ac primum quidem iidem
Cardinales, deinde etiam Patriarchæ, ac
deinceps Archiepiscopi, & Episcopi, suo
quisque ordine concordibus sententiis cen-
suerunt, B. Hyacinthum ex rebus, quibus
omnis illius vitæ processus constat, a Nobis
optimo jure Sanctorum numero esse adscri-
bendum. Itaque quod unum jam restabat de
talibus, tamque inter se consentientibus
suffragiis, Deo honorum omnium Auctori
gratias agentes, ac læti rerum tot ab hinc
annis captarum felici successu, diem Can-
onizationis præfiximus ad 15. Kalendas Ma-
jas, Dominicam scilicet in Albis, cum nimirum
Paschalis solemnitas festivitate conclu-
ditur, novella germina Sanctitatis regenerantur,
Neophytorum habitus immutatur,
Paschales denique, idest indulgentiæ, ac
remissionis dies celebrantur, ut tot tantif-
que cœlestibus præsidii adjuti, melius, ac
facilius nostro munere fungeremur.

In quo omni-
bus hic enu-
meratis rite,
& recte com-
pletis, ipse
Pont. Hyacin-
thum Sancto-
rum Consis-
torium Cata-
logo adscrip-
sit, & ejus fe-
stivitatem die
16. Augusti ce-
lebrari iussit.

§.21. Ubi igitur ipsa Dominica in Al-
bis hodierna scilicet dies illaxit, Nos, &
iidem Cardinales, necnon Patriarchæ,
Archiepiscopi, & Episcopi, qui in Capel-
lam nostram Pontificiam nobiscum ad id
conveniant, Sacris Vestibus induti, Hym-
no Ave Maris Stella, ad honorem Bea-
tissime Virginis Mariæ, cujus opem tunc
maxime invocandam duximus, inchoato,
eodemque illo ab ejusdem Cappella nostræ
Cantoribus ad finem usque deinceps decan-
tato, aliisque etiam Romanæ Curie Præla-
tis, & Officialibus, Familiaribusque no-
stris una cum cæteris totius Ecclesiastici
Sæcularis, & Regularis Ordinis viris, long-
que ordine præcuntibus, omnes
cum ardentibus cereis ad illius gloriam,
qui sua luce, & splendore cœlos complet,
ex Palatio nostro Apostolico summa cum
celebritate processimus ad Basilicam Prin-
cipis Apostolorum, tunc magno undique
ornamentorum apparatu instructam, adeo

ut singularis lætitiæ specimen omni ex parte
præferret. Suggestus enim loci ampli-
tudine insignis, ejusdem Regis, & Domi-
nicani Ordinis impensis extractus, ibi pri-
mum eminebat, in quo Altare ad Sacro-
sanctum Missæ Sacrificium solemniter a
Nobis celebrandum, e regione erectum
cernebatur. Templi deinde parietes infi-
gnibus Aureis auro, & bombyce intertex-
tis obtekti erant. Omnis præterea interio-
ris Basilicæ ambitus, accensis undique ce-
reorum flammis collucebat, denique sus-
spensa de tholo, ac trabibus vexilla, B. Hya-
cinthi Sanctissimam Dei Genitricem Mariam
Virginem flexis genibus venerantis
effigiem spectandam proponebant. Nos
igitur in eam Basilicam magna omnium
ordinum frequentia ingressi, atque in ea
supernæ, & Beate Urbis Hierusalem quasi
sub aspectu positam pulchritudinem intue-
ntes, in suggestum primum, ac deinde oran-
di causa ad Altare, ac postremo ad Throni
ibidem, ut moris est, ad dextram latus
erecti Sedem pervenimus, ubi eosdem
Cardinales, Patriarchas, Archiepiscopos,
& Episcopos cum sacris vestibus obedi-
entiam Nobis præstantes exceperimus. Tum
idem Stanislaus præfati Sigismundi Regis
Orator, semel iterum ac tertio postulavit,
ut Beatum Hyacinthum in Sanctorum nu-
merum referremus; nosque ad singulas
ipsum petitiones, Litaniis, ac Sacris Hym-
nis, per tria distincta intervalla recitatis,
preces adjunximus. Denique omnibus rite,
ac pie peractis, quæ hac in re alii Romani
Pontifices Prædecessores nostri servanda esse
statuerunt, Sancto quoque Spiritu,
numine Ecclesiæ afflata numquam fallitur,
multis cum precibus invocato; Ad hono-
rem Sanctæ, & individue Trinitatis, ad
exaltationem Fidei Catholica, ac Christia-
næ Religionis augmentum, auctoritate
ejusdem Dei Omnipotentis, Patris, &
Filii, & Spiritus Sancti, Beatorum Aposto-
lorum Petri, & Pauli, & nostræ, de Fra-
trum nostrorum consilio, decrevimus, &
definivimus, hoc met Hyacinthum Polo-
num Ord. Fratrum Prædicatorum, San-
ctum esse, ac Sanctorum Catalogo adscri-
bendum, sicut per præfatos definimus,
deceperimus, & adscribimus. Statuentes,
ut ab universali Ecclesia anno quolibet, in
die 16. Augusti Festum ipsius, & Officium,
sicut pro uno Sancto Confessore non Pon-
tificæ ad formam in rubricis Romani Bre-
vii præscriptam devote, & solemniter cele-
bretur.

§.22. Insuper eadem auctoritate omni-
bus vere poenitentibus, & confessis, qui
annis singulis eodem die festo ad sepultu-
ram, in qua ejus corpus requiescit, devote
accesserint, necnon Ecclesias, & Altaria in
ipsum honorem constructa devote visitave-
rint, eisdem indulgentias, & peccatorum
remissiones concessimus, & largiti sumus,
quemadmodum concedimus, & largimur,
quæ cæteris d. Ordinis Monasteriis, & Ec-
clesiis in diebus festis ejusdem Ordinis San-
ctorum jam concessæ sunt.

Indulgentiæ
que visitanti-
bus ejus sepul-
chrum, vel
facilla largi-
tus est.

Qui-

1594. Missam de O. stava Resur- rectionis cele- bravit cum commemora- tione d. Sancti & presentibus Indulgentiam plenaria con- cessit.

Hortatur om- nes ad Deum collaudandi.

Exemplorum Bulla fides.

D. P. An. III. die 17. April.

Papa subsc.

Card. subscri- ptiones.

§. 23. Quibus rebus ad S. Hyacinthi cano- nizationem necessariis absolutis, & Hym- no ad laudem Dei, & gratiarum actionem decantato, ac divina ope per ejusdem San- cti viri intercessionem devota, ac pia pre- catione, quam ipsi recitavimus, implorata, tandem eodem in fuzgefu, & Altari Mis- sam solemnit de O. A. Dominica Resurre- ctionis, cum ejusdem S. Hyacinthi Com- memorazione celebravimus, & omnibus Christifidelibus, qui huic Canonizationi, & Missa interfuerant, ad laudem Dei, & Sancti sui gloriam, Plenariam peccatorum suorum indulgentiam concessimus.

§. 24. Quocirca omnes Jesum Christum Dominum nostrum collaudemus, agnosca- musque summa ejus bonitate evenisse, ut in hoc perturbato rerum statu, novi apud Deum intercessoris meritis, ac precibus adjuvari valeamus. Magno quidem illud esse debet ad bene sperandum omnibus argu- mento, quod rem a tot Polonia Regibus, ipsiq; regni ordinibus jamdiu expetitam, communibus piorum, ac religiosorum hominum votis ubique optatam, a plerisque etiam Romanis Pontificibus Prædecessori- bus nostris susceptam, hoc tempore perfici- endi facultatem Nobis tribuerit. Itaque Deum in sanctis suis mirabilem deprece- mur, ut Sancto Hyacintho suffragante, Ec- clesie suæ pacem, & tranquillitatem, Regibus, & Principibus Christianis unionem, obsecatis hæreticis Catholica veritatis viam ostendat, miseris infidelibus Christia- ni nominis hostibus orthodoxæ fidei lucem largiatur.

§. 25. Ceterum, quia nimis difficile foret &c.

Nulli ergo &c. Dat. Romæ apud S. Petrum Anno In- carnationis Dominica, millesimo quingen- tesimo nonagesimo quarto, 15. Kalend. Maii, Pont. nostri Anno III.

Ego Clemens Catholica Ecclesie Episcopus.

Protector noster aspice Deus.

- * Ego Alphonsus Episcopus Hostiensis, Card. Gesualdus.
* Ego Innocentius Episcopus Portuen., Card. de Aragona.
* Ego M. Antonius Episcopus Prænestinus, Card. Columna.
* Ego Ptolomæus Episcopus Tusulanus, Card. Comensis.
* Ego Gabriel Episcopus Sabinen., Card. Palaottus.
* Ego Fr. Michael Episcopus Albanen. Card. Alexandrinus.
* Ego Julius Antonius, tit. S. Bartholomæi in Insula, Presbyter Card. S. Severina, Major Penitentiarius.
* Ego Hieronymus, tit. S. Susanna, Pres- byter Card. Rusticinus.
* Ego Petrus, tit. S. Hieronymi Illyricorum Presbyter Card. Deza.

- * Ego Alexander, tit. S. Praxedis Presb. Card. Floren.
* Ego Augustinus, tit. S. Marci Presb. Card. Veronen.
* Ego Simeon, tit. S. Anastasia Presb. Card. de Terranova.
* Ego Scipio, tit. S. Salvatoris in Lauro Presb. Card. Lancellottus.
* Ego Henricus, tit. S. Pudentiana Presb. Card. Cajetanus, Sanctæ Romanæ Ec- clesie Camerarius.
* Ego Joannes Baptista, tit. S. Joannis & Pauli Presb. Card. Castrucius.
* Ego Dominicus, tit. S. Chrysogoni Presb. Card. Pinellus.
* Ego Antonius Maria, tit. S. Agnetis in Agone Presb. Card. Gallus.
* Ego Fr. Constantius, tit. S. Petri in Monte Aureo Presb. Card. Sarnanus.
* Ego Antonius, tit. S. Stephani Presb. Card. Saulius.
* Ego Evangelista, tit. S. Matthæi in Me- rulina Presb. Card. Casentinus.
* Ego Jo. Franciscus, tit. S. Mariæ in Via Presb. Card. Maurocenus.
* Ego Marius, tit. Sanctorum Petri, & Marcellini Presb. Card. de Camerino.
* Ego Fr. Gregorius, tit. S. Augustini Presb. Card. de Montespero.
* Ego Paulus, tit. S. Cecilia Presb. Card. Sfondratus.
* Ego Benedictus, tit. S. Marcelli Presb. Card. Justinianus.
* Ego Augustinus, tit. S. Laurentii in Pa- ne, & Perna Presb. Card. Cusanus.
* Ego Franciscus Maria, tit. S. Mariæ in Ara-Cæli Presb. Card. a Monte.
* Ego Octavius, tit. S. Alexii Presb. Card. Paravicinus.
* Ego Philippus, tit. S. Onuphrii Presb. Card. Placentin.
* Ego Hieronymus, tit. S. Pancratii, Presb. Card. Matthejus.
* Ego Flaminus, tit. S. Clementis Presb. Card. Platus.
* Ego Federicus, tit. S. Mariæ Angelorum Presb. Card. Borromæus.
* Ego Lucius, tit. SS. Quirici, & Julita Presb. Card. Sanus.
* Ego Franciscus, tit. S. Mariæ Transpon- tina Presb. Card. Toletus.
* Ego Alexander, S. Laurentii in Damaso Diaconus Card. Montanus S. R. E. Vice- Cancellarius.
* Ego Ascanius, S. Mariæ in Cosmedin Diac. Card. Columna.
* Ego Guido, S. Eustachii Diaconus Card. Pepulus.
* Ego Odoardus, S. Adriani Diaconus Card. Farnesius.
* Ego Antonius Diac. Card. SS. Quatuor Coronatorum.
* Ego Petrus S. Nicolai in Carcere, Diac. Card. Aldobrandinus.
* Ego Cynthius Diaconus Card. Sancti Georgii.

Con-

Ex Regest. in Secret. Brev.

Defunctorum Notariorum scripturas ab eorum Hære- dibus Colla- gio Notario venditas esse statu- tum fuit sub Leone X.

Pretii summi auxere Julius III. & Pius IV.

L X X X I I.

Confirmatio Transactionis inter Thesaura- rium, & Notarios Reverendæ Cameræ Apostolicæ inita super pretio scriptu- riarum, quæ a decedentibus Notariis re- linquuntur.

CLEMENS PAPA VIII.

Ad perpetuam rei memoriam.

§. 1. CUM sicut accepimus, licet ex an- tiqua consuetudine scripturæ No- tariorum causarum Curie Cameræ Aposto- licæ decedentium ad illorum Hæredes per- venire, & pertinere consueverint, prout in Constitutione fel. rec. Leonis X. Præde- cessoris nostri, quæ Incipit: Inter veros &c. continetur. Quia tamen successivis tempo- ribus Notarii in Defunctorum locum subro- gati ipsas scripturas, & causas aliquando di- mitutas, & devastatas etiam cum solutione pretii ipsarum, non sine magna difficultate in ipsorum, & Cameræ præjudicium a dictis hæredibus recuperare poterant, ad præmis- sis obviandum Collegium, & Notarii præ- dicti statuerint, & ordinaverint, ut occur- rente vacatione per obitum alicujus ex offi- cii Notariorum curiæ prædictæ, hæredes Notarii de functi scripturas, & causas in of- ficio vacan. remanentes Collegio ipsorum Notariorum pretio sexcentorum Ducatorum auri de Camera, vendere & Notarius subro- gatus in mortui locum, antequam ad exer- citium admitteretur, easdem scripturas, & causas ab ipso Collegio pro eodem pretio emere teneretur, prout in libro statutorum dicti Collegii, quod Statutum idem fe. re. Leo X. Prædecessor noster Motu proprio an- no 1519. confirmavit, contineri dicitur.

§. 2. A Pontificatu autem ejusdem Leo- nis X. usque ad Pontificatum fe. item re- Julii III. similiter Prædecessoris nostri ipso- rum notariorum industria aucto valore offi- ciorum, idem Julius ad dicti Collegii preces statutum, & ordinationem prædictam a di- ctis ducatis sexcentis ad ducatos in totum mille extenderit, & ampliaverit, & ultimo fe. re. Pius Papa IV. etiam Prædecessor nos- ter considerans a Pontificatu Julii III. usque ad sua tempora officia prædicta, tum in suis annuis emolumentis, & pretio, & valore, tum etiam in ipsorum Notariorum labori- bus, & expensis non parum suscepisse incre- menti, ac illorum fructus, & emolumenta non nisi ex assiduo exercitio provenire, & in continuis laboribus, & curis ipsorum. Notariorum consistere, Collegio, & No- tariis prædictis ob dicta eorum assidua ser- vitia, & onera, & quia iidem pro subven- tione necessitatum Sedis, & Cameræ Apo- stolicæ, summam scutorum 4750. auri in auro persolverunt, Motu proprio concessit, ultra dictam summam ducatorum mille, alios bis mille ducatos super dictis scripturis præsentibus, & futuris, itaut in totum summam ducatorum 3000. super sin- gulorum officiorum scripturis, Collegio,

& Notariis prædictis, eorumque hæredibus, perpetuo appropriata, & applicata forent, & scripturæ hujusmodi pro dicta summa nullo unquam tempore vacare, vel ad Sedem, & Cameram devolvi, aut pertinere possent, quinimo illæ veluti ipsorum Col- legii, & Notariorum propria peculia existe- rent, & in eorum patrimonio, peculio, & bonis, ac perpetuo dominio. vel quasi cen- serentur, & essent, & ipsis Notariis liceret de illis tanquam de bonis Patrimonialibus disponere, statumque, & ordinationem dictorum Notariorum olim, ut præfertur pro ducatis sexcentis factum, & postea ad ducatos mille ampliatur, ad dictos ducatos ter mille extenderit, & ampliaverit. Decernentes, ut occurrente vacatione per obitum dictorum officiorum, hæredes No- tariorum pro tempore decedentium tene- rentur scripturas prædictas Collegio, & No- tariis pretio trium millium ducatorum vendere, & Collegium illas emere, & No- tario in mortui locum subrogato, illas cæ- dere deberet, & alias prout in eorundem Prædecessorum literis etiam latius conti- netur.

§. 3. Nos vero nuper ex causis, & ratio- nibus latius expressis in literis erectionis in- fra dicendi Montis Motu proprio, & de- Apostolica potestatis plenitudine quasum- que Prædecessorum nostrorum literas, Con- stituciones, & ordinationes, quibus dicto- rum Notariorum scripturas pro prædictis, seu aliis respective summis non vacare, sed ad hæredes, vel successores Notariorum defunctorum, vel ad eorum Collegia spe- stare, & pertinere disponitur, perpetuo re- vocaverimus, & annullaverimus, dictorum- que Notariorum scripturas, & earundem proprietatem, & Dominium, ad Nos, Sedem, & Cameram prædictas in totum spe- stare, & per Nos, & eandem Cameram ex nunc dictis Collegio, & singulis Notariis pro rata ad vitam unacum titulo officii con- cessa, & consolidata esse declaraverimus, illasque eidem Collegio, & singulis officiis prædictis pro rata perpetuo concesserimus, itaut de cætero occurrente quomodolibet dictorum officiorum vacatione, scripturæ hujusmodi una cum titulo officii, vacent, ac simul cum eodem titulo personis a Nobis, vel ipsa Camera approbandis, ad vitam, seu pro tempore, quo officium obtinerint, concedi omnino debeant.

§. 4. Pro hujusmodi vero concessione, & loco pretii scripturarum perpetuo infra dicendam præstationem annuam imposueri- mus super massis communibus officiorum Notariorum prædictorum, itaut teneantur Collegium, & Notarii prædicti depositario Montis infra scripti solvere annuatim scata duo millia centum viginti quinque cum dimidio auri in auro, & illorum ratam quo- libet bimestre. Quam quidem summam nunquam augeri, vel diminui posse statue- rimus, & quod pro ea, ut supra persolvent. & de bene, fideliter, & diligenter dictas scripturas custodiendo, & conservando, etiam sub pœna a Nobis, vel a Camera im- ponenda

Clemens verò scripturas ip- sas non ad hæ- redes, sed ad Cameræ Apo- stolicam spe- stare decrevit

Monteque e- rego a Colle- gio Notario- rum quolibet anno 2125. scuta solvi sta- tuit.

Pro fecunditate vero bona omnia Notariorum, pensionesque eis debitas hypothecavit; & hunc Montem Montis Pacis a Sixto PP. V. erecto univit.

ponenda antequam ad dictum officium, ac illius exercitium ipsi Notarii admittantur se obligare debeant, itaut antequam ejusmodi obligationem nullatenus admitti possint.

§.5. Ac insuper pro majori dicti Montis, & illius creditorum cautela statuerimus, ut dictorum Notariorum Collegium, omniaque eorum bona, fructus, & emolumenta pro dicta summa sic solvenda ad favorem dicti Montis obligata, & hypothecata sint, dictique Notarii se se collegialiter obligent: Caterum pro promissorum executione, & effectuione, ut modernis Decretis dictarum scripturarum congrue satisfiat, & pecunie ad id necessaria absque alicujus incommodo comparentur, super emolumentis, ac responsionibus dictarum scripturarum simul cum pensionibus massa officiorum Curatorum, & aliorum officiorum certam quantitatem locorum, seu portionum Montium non vacabilium ad rationem scutorum centum monetæ pro quolibet loco, seu portione exerimus, illasque sic erectas Montis Pacis nuncupato, alias per se: re: Sixtum PP. V. Prædecessorem nostrum, super proventibus Dohanarum Urbis ad rationem scutorum quinque cum quarta parte alterius similis scuti monetæ pro loco quolibet, erecto addiderimus, & univimus, dictoque Monti pacis pro tali rata aucto, & ampliato, ac locis, & portionibus sic additis pro congrua dote, & annuis fructibus ad eandem rationem quinque cum quarta parte alterius scuti pro quolibet loco, & anno bimestruatim pro rata in sine solven. dictam annuam summam scutorum duorum millium centum viginti quinque cum dimidio auri in auro per Collegium, & Notarios prædictos, ut præfertur annuatim solven. (inter cætera assignamenta) perpetuo concesserimus, cum facultatibus, indultis, declarationibus, gratiis, privilegiis, & cautelis, ut in cedula Motus proprii manu nostra signata, & in Camera Apostolica registrata plenius continetur.

Præterdenti- bus vero Notariis scripturas ad se, non ad Cameram spectare;

§.6. Et licet super præmissis Collegium, & Notarii prædicti pro eorum interesse coram Thesaurario nostro sæpius vocati, semper contradixerint, & ad Nos etiam propterea recursum pluries habuerint, ex quo prætendant super dominio, & proprietate dictarum scripturarum nullum Jus unquam Cameræ nostræ competiisse, nec competere posse, sed Dominium, & proprietatem hujusmodi etiam ab ipsarum scripturarum origine spectasse ad hæredes Notariorum pro tempore respectively in singulis officiis defunctorum, & hodie ad Collegium, & Notarios viventes pro se se, & eorum in dictis officiis pro tempore successoribus proprietatem prædictam, & Jus quomodocumque redimendi dictas scripturas libere, veluti propria peculia, & patrimonia pertinere; & licet etiam dicti Notarii assererent, se se in promptu velle dictas scripturas pro Collegio sibi ipsis, & successoribus juxta eorum facultates, & Jura redimere, & ad hunc fi-

nem facultatem erigendi similiter Montem pro valore dictarum scripturarum, & pro facienda ad eorum commodum illarum redemptionem a Nobis impetrare tentaverint, & reperta in hoc difficultate se se, ut accepimus, converterint ad perquirendas pecunias pro dicta redemptione necessarias ad censum ad leviozem rationem, quæ fieri potuisset; & denique, licet etiam super his, & aliis præmissorum omnium, & singulorum causa sequitis per nostrum Thesaurarium, & seu Cameræ nostræ Commissarium diversimode exceptum, & oppositum, & ad nonnullos actus pro executione erectionis dicti Monti per Nos, ut præfertur factio processum fuerit, contra dictos Collegium, & Notarios, & pro eorumdem parte pluribus tam in facto, quam etiam in Jure deductis.

§.7. Nihilominus quia demum Collegium, & Notarii prædicti negotium hujusmodi cum eodem Thesaurario nostro rationabiliter, (verbali licet sed tamen finali tractatu) transegerunt, & concordarunt condignum duximus ea, quæ dicto transactionis, & finalis concordie tractatu oretenus stabilita fuerunt, pro communi cautela præsentis nostri Motu proprio in perpetuum confirmare, & præfertur Collegium, & Notarios prædictos in recompensam eorum, quæ idcirco ad commodum nostrum, & Cameræ nostræ, prout infra dimittunt, vel amittunt, ut nunquam futuris temporibus super redditu dictarum scripturarum pro dicta annua summa in totum scutorum duorum millium centum viginti quinque cum dimidio auri in auro in erectione dicti Montis, ut præfertur firmata, minusque quatenus ad abundantiore Collegii, & Notariorum prædictorum cautelam opus sit, super valore, & pretio dictarum scripturarum præsentium, & futurarum officiorum prædictorum olim per prædecessores nostros, & ultimo, ut præfertur per felicis recordationis Pium IV. ad commodum eorumdem Collegii, & Notariorum, etiam causa, & titulo onerosis firmato, augmentum aliquod fieri, vel augmenti dubium oriri possit secum reddere, ac alias specialibus favoribus, & gratiis prosequi deliberavimus.

§.8. His igitur, & aliis justis rationibus adductis quascumque Prædecessorum nostrorum, & nostras respectively literas superius relatas, nec non acta quacumque in præmissis, & illorum occasione inter Thesaurarium nostrum, & Commissarium, & Collegium, & Notarios prædictos quomodolibet facta, & alia omnia hic necessaria exprimenda, perinde acsi illorum tenores ad verbum inferti forent, præsentibus pro plene, & sufficienter expressis habentes, atque Collegium prædictum, ejusque singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodata existunt, ad effectum præsentium consequen-

Tandem cum Thesaurario transegerunt: & transactionem confirmat Clemens.

quendum, harum serie absolventes, & absolutas fore censentes Motu proprio, non ad dicti Collegii, aut alicujus pro illis Nobis porrectæ petitionis instantiam, sed ex certa scientia, maturaque deliberatione, deque Apostolicæ potestatis plenitudine, quascumque lites super præmissis inter dictum Collegium, & Cameram nostram Apostolicam forsitan motas ad Nos harum serie avocantes, illasque penitus extinguentes, ac Acta quacumque desuper facta cassantes, & annullantes, eidem Collegio, & Notariis in recompensam jacturæ, quæ ad commodum nostrum, & Cameræ nostræ circa Montem, ut præfertur erectum, scilicet dimissionis, seu perpetuæ amissionis juris redimendi dictas scripturas, quam sponte facere dignoscitur, ac alterius cujuscumque jacturæ præmissorum occasione per prædictos Collegium, & Notarios facien. ex nunc, prout ex tunc, & e contra, postquam ipsi erectioni prædicti Montis, ac præstationi annuæ summæ scutorum duorum millium centum viginti quinque cum dimidio auri in auro consenserint, & pro eis se se, quamdiu illi officia retinuerint, Collegialiter obligaverint juxta dictæ erectionis formam, prout idem intuitu infrascriptorum convenire, & sese ut supra obligare obtulerunt, auctoritate Apostolica tenore præsentium perpetuo concedimus, & indulgemus, ut annua summa dictorum scutorum duorum millium centum viginti quinque cum dimidio auri in auro per eisdem Collegium, & Notarios annuatim, ut supra pro redditu, seu pensione dictarum scripturarum persolvenda in erectione dicti Montis per Nos, ut præfertur, perpetuo firmata, neque valor, seu pretium dictarum scripturarum præsentium, & futurarum jam, ut præfertur, titulo oneroso ad commodum dictorum Collegii, & Notariorum, pro se, & illorum Successoribus in perpetuum firmatum, nunquam etiam augmenti quantitatis scripturarum, aut alio quocumque prætextu augeti, nec aliquid super aliqua etiam minima auctione in præjudicium Collegii, & Notariorum prædictorum, & contra formam præsentis nostri Motus proprii, & etiam (respectu valoris dictarum scripturarum) contra formam prænaratarum Constitutionum Prædecessorum nostrorum, & signanter Pii PP. IV. quas ad effectum hujusmodi harum serie perpetuo confirmamus, & quatenus opus sit, innovamus, per Nos, Successores nostros, aut Cameram prædictas, aut quovis alios pro eis ex quavis causa quantumvis rationabili, & urgentissima quomodolibet retractari, vel innovari, nec ipsos Collegium, & Notarios præmissorum causa in Judicio, vel extra quomodolibet inquietari, aut molestari posse: Quinimmo limitationem antedictæ summæ nunquam angibilis, & valuationem scripturarum præsentium, & futurarum, ut præfertur, firmatam, Collegio, & Notariis prædictis præmissorum causa titulo evidenter oneroso libere concessam in perpetuum, & absolute spectare, & ita semper inviolabilem servare, & ita semper inviolabilem observari debere, etiam causa validi, & efficacis contractus perpetuæ transactionis, & concordie inter Nos, & Cameram, & Thesaurarium nostrum ex una, & dictos Collegium, & Notarios ex altera parte initæ, & celebratæ, cujus vim, & robur præsentibus nostras literas habere, & obtinere volumus, perpetuo concedimus, & indulgemus: & si contingat, quod Collegium, prædictum pro augenda dicta summa per Nos, aut Successores nostros Romanos Pontifices, ac Cameram Apostolicam molestetur, aut alias ipsa summa quovis prætextu etiam augmenti valoris, aut quantitatis scripturarum, aut alias quomodolibet ab eadem Camera ad majorem quantitatem taxetur, tunc, & eo casu eidem Collegio, Notariis, & eorum singulis, ut dictas scripturas etiam a dicta Camera Apostolica pro eodem pretio ducatorum trium millium redimere, & Collegio, vel singulis Notariis applicare, & appropriare libere possint, & valeant, plenam, & liberam facultatem, & auctoritatem concedimus, & impartimur: Ita, & taliter, ut statim facto actuali deposito dicti pretii per Collegium, seu singulos Notarios prædictos, penes nostrum, & Cameræ nostræ pro tempore Depositarium Generalem, retrovenditio dictarum scripturarum eidem Collegio, seu singulis Notariis, qui depositum fecerint, pro legitime facta habeatur, & illarum redditus, una cum omnimoda proprietate eidem Collegio, seu Notariis a die facti depositi libere, & in perpetuum appropriati censentur, & sint, & omnes illorum obligationes, ut præfertur faciendæ extinctæ penitus remaneant, & nullum amplius operentur effectum, perinde acsi nunquam factæ fuissent, prout Nos ex nunc, prout ex tunc, & in casum prædictum harum serie retrovendimus, appropriamus, & respectively extinguimus, & annullamus, & ad præmissa omnia, & singula Nos, & dictam Cameram specialiter obligamus.

§.8. Decernentes easdem præsentibus literas de subreptionis, vel obreptionis vitio, aut intentionis nostre, vel alio quocumque defectu notari, impugnari, aut quocumque modo invalidari, infringi, retractari, suspendi, limitari, aut in jus, vel contrariam revocari, sed perpetuo validas, & efficaces existere, neque sub quibuscumque revocationibus, suspensionibus, limitationibus, aut contrariis dispositionibus ullatenus comprehendi: sed semper ab illis exceptas, & quoties illæ emanabunt, toties in pristinum, & validissimum statum etiam sub posteriori data per dictos Collegium, & Notarios eligent. restitutas, repositas, & plenarie reintegratas esse, & censeri, sicque, & non aliter per quoscumque Judices ordinarios, & delegatos, etiam Sanctæ Romanæ Ecclesiæ Camerarium, ac dictum Thesaurarium, Cameræque prædictæ Præsidentes clericos, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, ac irritum, & inane, quid

Claufula:

D

Promissio per Notarios faciendū descriptis hujusmodi confirmandis &c.

quid fecus super his a quoquam quavis auctoritate scienter, vel ignoranter contigerit attentari.

§.9. Ceterum obligationem, quam in prænarrato nostro Motu proprio erectionis dicti Montis ordinavimus fieri debere per Notarios, antequam ad officia prædicta admittantur, scilicet de solvendis ratis antedicti redditus, seu pensionis dictarum scripturarum, ut supra (ad quorum solutionem per Thesaurarium nostrum dicti Montis Protectorem, Collegium, & Notarios prædictos quoties occurrerit, cogi, & compelli posse decernimus) ac de bene, fideliter, & diligenter dictas scripturas custodiendo etiam sub pœna a Nobis, vel Camera impenenda tenore præsentium recipi volumus & decernimus more hætenus solito per Decanum nunc, & pro tempore existentem dicti Collegii. Pœnam vero prædictam sub qua Notarii, ut supra obligandi adstringi debent, arbitrio moderni, & pro tempore existentis Auditoris Camerae declarandam, ex nunc perpetuo relinquimus, ad hoc ut omnia prædicta facilius, & securius, quoties occurrerit, expediantur.

Executores designati.

§.10. Quocirca eidem Camerario, & caularum Curia Camerae Apostolicae generali Auditori Apostolica auctoritate, tenore præsentium committimus, & mandamus, quatenus ipsi, vel duo, aut unus eorum præsentibus literas, & in eis contenta quæcumque ubi, & quando opus fuerit, ac quoties pro parte dicti Collegii Notariorum, aut alicujus eorum, fuerint requisiti, per se, vel alios solemniter publicantes, eisque in præmissis efficacis defensionis præsidio assistentes faciant, auctoritate nostra eisdem Collegium, ac Notarios universos, & singulos eorumdem præmissorum effectum pacifice frui, & gaudere, non permittentes eos, aut quemquam ipsorum desuper quoquo modo indebite molestari; Contradictores per censuras Ecclesiasticas, aliaque opportuna Juris, & facti remedia, appellatione postposita compescendo, invocato etiam ad hoc, si opus fuerit, auxilio brachii secularis.

Obstantium derogatio.

§.11. Non obstantibus quibusvis Constitutionibus, & ordinationibus Apostolicis, necnon ejusdem Camerae, atque prædicti Collegii Notariorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis, sub quibuscumque verborum formis, & tenoribus, & cum quibusvis etiam derogatoriis derogatoriis, aliisque efficacioribus, & insolitis clausulis, ac irritantibus, & aliis Decretis in contrarium præmissorum quomodolibet concessis, confirmatis, approbatis, & innovatis. Quibus omnibus, etiam si pro sufficienti eorum derogatione de illis, ac eorum totis tenoribus specialis, specifica, expressa, & individua, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi,

ac si ad verbum infererentur, præsentibus pro expressis habentes hac vice dumtaxat specialiter, & expresse derogamus, ceterisque contrariis quibuscumque. Seu si aliquibus communiter, vel divisim ab Apostolica sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de Indulto hujusmodi mentionem.

Datum Romæ apud S. Marcum sub anulo Piscatoris die 14. Maii 1594. Pontificatus nostri anno III.

Dat. die 14. Maii 1594. An.III.

Ex Regest. in Secret. Breu

LXXIII.

Confirmatio erectionis Collegii Anglicani Hispanen. cui quamplurima conceduntur Privilegia.

CLEMENS PAPA VIII.

Ad futuram rei memoriam.

Inter multiplices animi nostri curas, quas pro Apostolico Nobis injuncto munere, quod gerimus, sustinemus; ea præcipuum locum obtinet, qua de Catholica Fide sublati hæresibus, instituentia, & propaganda assidue solliciti sumus: proinde pia Collegia ad Juventutem earum præsertim Regionum, qua hæresum, & schismatum labe pestifera sunt infecta, in orthodoxa, sacraque doctrina instituendam erecta merito favoribus, & gratiis opportunis prosequimur, prout eorumdem Collegiorum incremento, & profectui, ac alias in Domino salubriter conspiciamus expedire.

Procerum.

Collegii Anglicani Hispanen. cõferentia cõferat.

§.1. Cum itaque, sicut accepimus, in Civitate Hispanen. Collegium Anglicanum Regali charissimi in Christo filii nostri Philippi Hispaniarum Regis Catholici pietate institutum existat, ad quod adolescentes, qui voluntarium a Regno Angliæ hæresis labe infecto exilium pro Fide Catholica elegerunt, confluere possint; Nos Collegii incrementum ad Catholicae fidei propagationem, summopere cupientes, ipsamque Collegium, ac ejus Alumnos specialibus favoribus, & gratiis prosequi volentes, erectionem, & institutionem dicti Collegii, ac omnia, & singula inde sequuta Apostolica auctoritate, & ex certa nostra scientia approbamus, & confirmamus, ac omnes, & singulos tam juris, quam facti defectus, si qui intervernerint in eisdem, supplemus.

Et sub Sedis Apost. protectione, & jurisdictione suscipit.

§.2. Nec non Collegium ipsum pro illius salubri directione, & felici incremento Rectorem, Scholasticos, & Ministros dicti Collegii, ac omnia, & singula illius bona, mobilia, & immobilia, cujuscumque qualitatis, & quantitatis fuerint, sub nostra, ac B. Petri, ac hujus S. Sedis Apostolica protectione immediate suscipimus, ac Nobis, & eidem prorsus subijcimus.

Directionis PP. Societatis Jesu committit.

§.3. Nec non regimen, & gubernium immediatum dicti Collegii Generali, & Provinciali Societatis Jesu in Provincia Beticæ

Ita tamen ut in gravioribus rebus ad Cardinalem Protectorem reuertus habeatur. Ceteros Ministros Rectori immediato subijcit.

Rectori, & Alumnis privilegia, quibus extra Anglorum Collegia fruuntur, concedit.

Curam animarum Alumnorum a Rectore designando delegat.

Alumni a Provinciali Beticæ eligendi.

thica, & Rectori ipsius Collegii ab ipsis designato supponimus: ita tamen, quod in causis gravibus, quæ per ipsos expediri non poterunt, ad personam nominandam per dilectum filium nostrum Gulielmum Alanum tituli Sancti Martini in Montibus Presbyterum Cardinalem Angliæ nuncupatum, qui omnimodas vices suas alteri demandare, quoties ei visum fuerit, & demandatas quomodocumque revocare possit, recurratur.

§.4. Quodque Æconomus, & alii Ministri, & Servientes in dicto Collegio ipsi Rectori, & Ministro, seu Vicerectori subsint, & ad ejus præscriptum, & mandatum omnino obsequantur: ipseque Æconomus dicto Rectori volenti, & requirenti, bis in anno, vel quotiescumque ei visum fuerit, rationem de administratione reddere teneatur.

§.5. Præterea Collegio, Rectori, & Scholasticis prædictis, quod donec illud duraverit, omnibus, & singulis privilegiis, exemptionibus, libertatibus, gratiis, favoribus, præminentis, indulgentis, & indultis, quibus Collegia Anglorum, & Germanorum, ac alia Collegia, ac pia loca in Urbe, & Collegium Anglorum Remensè in Gallia, & Collegium Duacense in Flandria, atque in eis degentes personæ quomodolibet utuntur, fruuntur, potiuntur, & gaudent, ac uti, potiri, & gaudere poterunt in futurum, quorum omnium tenores hic haberi volumus pro expressis, & tam eorum omnium, quam præsentium, etiam impressis transumptis manu alicujus Notarii publici, & sigillo personæ in dignitate Ecclesiastica constitutæ munitis, eandem fidem, quæ ipsis originalibus adhiberetur, ubique in Judicio, & extra haberi debere decernimus, non solum ad instar, sed pariformiter, & æque principaliter uti, frui, potiri, & gaudere possint, illudque inter illa annumeretur, ac Cappellam, sive Ecclesiam, in qua Sanctissimum Eucharistiæ Sacramentum reconditur, & Campanas pro Missis, & sepulchris significandis, & alia huic novo Collegio necessaria habere valeat.

§.6. Quodque ipse Rector unum ex Alumnis dicti Collegii pro tempore constituere possit, qui sit ejus domus Parochus, & illorum omnium inibi habitantium, prout alias factum fuit in Collegio Anglicano in Urbe instituto, nec non in defectum hujusmodi Alumnii ipse Rector, aut quivis alius dicti Collegii Presbyter de ipsius Rectoris licentia possit supplere officium Parochi prædictum in administrandis confessionibus, Sanctissimæ Eucharistiæ, & extremæ unctionis, Sacramentis, & sepeliendis mortuis dicti Collegii indulgemus.

§.7. Præterea volumus, quod admissio, & exclusio Alumnorum in dicto novo Collegio pro tempore existentium tam circa numerum, quam qualitates personarum, sit de voto, & sententia Provincialis Societatis Jesu Provinciae Beticæ prædictæ, aut illius, cui idem ipse Provincialis committet, & dicti novi Collegii Rectoris cum approbatione Bullæ Rom. Tom.V. Par.II.

tionem personæ, cui ipse Gulielmus Cardinalis committet.

§.8. Quodque Alumnii hujus novi Collegii in pietate, devotione, cantu, & cæremoniis Ecclesiasticis, & sacris officiis, prout melius ipsis superioribus visum fuerit, exerceantur, ac sint Angli nativi, vel Anglorum filii, videlicet alicujus Provinciae Insulæ Angliæ dumtaxat, ac eorum approbationes, & admissiones fiant juxta testimonia, quæ secum adferant ab eodem Cardinali, aut Rectoribus Collegiorum Anglorum de Urbe, vel Remensis, aut Duacensis, aut aliorum primariorum nationis Anglicanæ, habitantium in Regno Hispaniarum, aut aliis in locis, qui pro Catholicis habentur, & noti existunt, & notitiam admittendorum habere possunt, & hæc omnia fiant juxta peculiarem, & privatam institutionem, quam idem Gulielmus Cardinalis de hoc, & aliis rebus in scriptis mittet ad ipsum Rectorem, aut alium in dicta Civitate Hispanen. pro tempore commorantem, cui idem Gulielmus Cardinalis vices suas committet.

Qualitates, & studia Alumnorum.

§.9. Ad hæc superioribus dicti novi Collegii illos, quos in d. novo Collegio idoneos esse repererint, in facultatibus artium, & Theologiæ ad Baccalaureatus, licentiatum, & Magisterii gradus, servata forma Concilii Viennensis, promovendi, & ipsorum graduum solita in eis regionibus insignia exhibendi: qui sic promoti omnibus gratiis, favoribus, indultis, privilegiis, prærogativis, antelationibus, quæ promotis in Exoniensi, & Coninbricensi in Angliæ Academicis de Jure, vel consuetudine, seu privilegio concessa sunt, pariformiter, & æque principaliter potiantur. Ac quæcumque statuta, & ordinationes licite tamen, & honesta, ac Sacris Canonibus, & Concilio Tridentino non contraria ad prosperum, & salubrem dicti novi Collegii statum, & gubernium condendi, & condita pro temporum varietate mutandi, ac illorum loco alia subrogandi, & sufficiendi licentiam, & facultatem concedimus.

Facultas Rectori concessa Alumnos laurea decorandi qui ceterorum Laureatorum privilegia fruuntur.

§.10. Nec non ipslem Alumnis, ut de Rectoris ipsius novi Collegii licentia, & examine præcedente, etiam extra tempora a Jure statuta, & interstitiis temporum a Concilio Tridentino præscriptis non expectatis, & absque suorum ordinariorum literis dimissorialibus, ac sine aliquo beneficii, vel patrimonii titulo, & non obstante quovis natalium defectu, ad omnes, etiam Sacros, & Presbyteratus Ordines, a quibusvis Archiepiscopis, & Episcopis gratiam, & communionem Apostolicæ Sedis habentibus promoveri, & promoti in illis etiam in Altaris Ministerio ministrare, utque ipsi Archiepiscopi, & Episcopi Alumnis prædictis Ordines hujusmodi conferre libere, & licite valeant, quemadmodum Collegio Anglorum in Urbe instituto hujusmodi a fere: Gregorio PP. XIII. Prædecessore nostro concessum est, de specialis dono gratiæ dispensamus.

Privilegium Alumnis concessum sacros Ordines suscipiendi quocumque, &c. ad formam Privilegii Alumnus Collegii Anglicani de Urbe concessi.

§.11. Ac insuper Juramentum, quod solent

Juramentum ab eis præstandum.

Qui facultates ad Missiones necessarias a Rectore, & Provinciali recipere debent.

solent præfate Alumni Collegii Angliæ de Urbe post sex menses suarum approbationum pro arbitrio Rectoris, videlicet, se paratos fore de mandato Superiorum dicti Collegii vitam Ecclesiasticam, & Sacros Ordines suscipere, & deinde in Angliam ad iuvandas animas proficisci, censemus in hoc novo Collegio instituendum, ac electionem hujus temporis, & personarum mittendarum Judicio Rectoris ipsius novi Collegii remittimus, cum approbatione pro vinculis dictæ Societatis.

§.12. Qui Rector cum ipso Provinciali Sacerdotibus mittendis in Angliam, & Hiberniam facultatem administrandi omnia Sacramenta Ecclesiastica, exceptis confirmationis Sacramento, & Ordinis, nec non quacumque personas in Anglia, Scotia, vel Hibernia commorantes ad gremium S. Matris Ecclesiæ recurrentes, aut jam sub ea viventes, confessionibus earum diligenter auditis, ab omnibus peccatis, excessibus, censuris, & delictis, quantumcumque gravibus, & enormibus, etiam in literis in die Cœnæ Domini legi solitis, contentis, & Sedi Apostolicæ reservatis (conspirationis in personam, vel statum Romani Pontificis, falsitatis literarum, & scripturarum Apostolicarum, delationis armorum, vel aliorum prohibitorum ad partes Infidelium, injectionis manuum violentarum in Prælatos dumtaxat exceptis) absolvendi, & omnes alias ad conversionem animarum, & hæresum extirpationem spectantes, & necessarias facultates a Romanis Pontificibus Prædecessoribus nostris aliis Sacerdotibus ad hoc opus antea missis, concessis, impertiantur.

Collegii cura præpositio Generali Societatis Jesu committitur.

§.13. Et ut præmissa omnia suum debitum consequantur effectum, regimen, & gubernium, ac statum hujus novi Collegii, nunc, & pro tempore existens. Generali Societatis Jesu, ut de Rectore, & aliis Ministris sufficientibus, & idoneis dicto novo Collegio pro tempore providere curet, in Domino plurimum commendamus.

Ex Card. Alano commendatur.

§.14. Hortantes quoque dictum Gulielmum Cardinalem, quem ob ejus doctrinam, integritatem, prudentiam, pietatem, aliasque animi eximias dotes, nec non ob longam Anglicanarum rerum experientiam, & usum in mittendis, & providendis operariis ad illam necessariis, & ob singularem, quem erga suos Cives amorem gerit, ad id munus aptissimum confidimus, ac Hispaniarum Regem Catholicum, nec non Archiepiscopos, Episcopos, & alios Prælatos, ac Procuratores, & Prælatos dictorum Regnorum Hispaniarum, & præsertim Assistentem in dicta Civitate Hispalensi, & alios Regios Ministros, ut dicto novo Collegio in omnibus opem ferant, ipsi Gulielmo Cardinali mandantes, ut hujus Collegii curam in spiritualibus suscipiat, utque de alumnis idoneis provideat; prædictum vero Regem, & Assistentem in dicta Civitate Hispalensi, ut hujus novi Collegii, & personarum in eo pro tempore degentium omnimodam curam, defensionem, & prote-

ctionem in temporalibus suscipiant, ipsique pro nostra, & dictæ Sedis Apostolicæ reverentia propensius commendatum habentes, in ampliandis, & conservandis juribus Collegii, & personarum in eo pro tempore existentium, sic eos benigni favoris auxilio prosequantur, quod ipsi eorum sulti præsidio in præmissis, Deo propitio, prosperari possint, ac eidem Philippo Regi a Deo perennis vitæ præmium, & a Nobis condigna proveniat actio gratiarum, ipsique Gulielmus Cardinalis propterea divinam misericordiam, ac nostram, ac dictæ Sedis gratiam valeat uberius promereri.

§.15. Postremo concedimus facultatem Rectori dicti novi Collegii pro tempore existenti Judices nominandi, & deputandi, Archiepiscopum videlicet dictæ Civitatis, vel quemcumque alium in dignitate Ecclesiastica constitutum dictæ Civitatis Hispalensis, qui omnes, & singulas causas civiles, criminales, & mixtas dicti novi Collegii, illiusque Collegialium, & Officialium, & Ministrorum, Religiosis Societatis Jesu exceptis, nec non res, jura, actiones, & bona privative quoad alios, etiam, summarie simpliciter, & de plano, ac sine strepitu, & figura iudicii, manu regia, nullaque tela judiciaria servata, sed sola facti veritate inspecta, & omni, & quacumque appellatione remota, audiam, cognoscant, ac sine debito terminent cum facultate quoscumque citandi, ac quibus, & quoties inhibendum fuerit, etiam sub poenis pecuniariis, & aliis eorum arbitrio imponendis, ac in subsidium juris, censuris Ecclesiasticis inhibendi, ceteraque omnia in præmissis, & circa ea quomodolibet necessaria, & opportuna faciendi, & exequendi.

Facultas Rectori conceditur Judicium pro Causis Collegii seligendi.

§.16. Quocirca universis, & singulis venerabilibus fratribus Patriarchis, & Archiepiscopis, Episcopis, ac dilectis filiis, Abbatibus, Prioribus, & aliis personis in dignitate Ecclesiastica constitutis dictorum Regnorum Hispaniarum, & dictæ Civitatis Hispalensis per præfatos motu simili mandamus, quatenus ipsi, & eorum quilibet per se, vel alium, seu alios præfatos literas, & in eis contenta quæcumque ubi, & quando opus fuerit, aut quoties pro parte Rectoris dicti novi Collegii pro tempore existentis fuerint requisiti, solemniter publicantes, dictoque Rectori, & novo Collegio in præmissis efficacis defensionis præsidio assistentes faciant auctoritate nostra illos, decreto, confirmatione, concessione, indulto, licentia, facultate, ac aliis præmissis pacifice gaudere, ac easdem præfatas literas, & in eis contenta quæcumque perpetuo inviolabiliter observari: Non permittentes eos super iisdem præmissis, vel eorum aliquo per quoscumque Judices, vel personas cujuscumque status, gradus, aut conditionis existant, quacumque etiam auctoritate fungantur, publice, vel occulte, directe, vel indirecte, tacite, vel expresse quovis quaesito colore, nec ingenio impediri, molestari, aut alias quomodolibet inquietari: Contradictores quoslibet, & rebel-

Omnes Hispaniarum Prælati, & Beneficæ Constitutionis exequutores de signantur.

rebel-

Derogatio contrariorum

rebelles per censuras Ecclesiasticas, & alia Juris opportuna remedia, appellatione postposita compescendo, invocato etiam ad hoc, si opus fuerit, auxilio brachii sacralaris.

§.17. Non obstantibus nostra de non concedendis Indulgentiis ad instar, aliisque Constitutionibus, & ordinationibus Apostolicis, necnon dictæ Civitatis, & illius Tribunalium juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis sub quibuscumque tenoribus, & formis, ac cum quibusvis clausulis, & decretis in genere, vel in specie, ac alias in contrarium quomodolibet concessis, approbatis, & innovatis. Quibus omnibus, eorum tenores præfatis pro expressis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Dat. die 15. Maii 1594. An.III.

Datum Romæ apud S. Marcum sub Annulo Piscatoris die 15. Maii 1594., Pontificatus nostri Anno III.

LXXXIV.

Dissolutio Unionis Pientin. & Ilcinen. Ecclesiarum.

Ex Regest. in Caus. Apof.

CLEMENS EPISCOPUS SERVUS SERVORUM DEI

Ad perpetuam rei memoriam.

Exordium.

Ad exequendum Pastoralis Officii debitum nobis superna dispositione commissum sollicitis studiis &c. incrementa.

Causa dissolutionis facienda.

§.1. Cum itaque, sicut accepimus, dilecti filii Populus Civitatis, & Diocesis Ilcinen. propter continuam Venerabilis Fratris nostri Episcopi Ilcinen. & Pientin. a Civitate præfata absentium, & residentiam, quam semper facere consuevit apud Ecclesiam Pientin. quæ, & Ecclesia Ilcinen. perpetuo Apostolica auctoritate invicem, aut alias unitæ, annexæ, & incorporate sunt, magna in spiritualibus detrimenta patiantur, & utraque Ecclesia præfata distinctum Populum, & Diocesim, competentesque, & separatos redditus habeat, ad commodam duorum Episcoporum sustentationem.

Disjunctio de qua in rubrica.

§.2. Nos habita super his cum Fratribus nostris matura deliberatione, de eorumdem Fratrum consilio, supplicationibus quoque dilecti filii Nobilis Viri Ferdinandi Æturie sibi subiectæ magni Ducis Nobis in hac parte porrectis inclinati, nec non unionis, annexionis, & incorporationis hujusmodi tenores, ac fructuum, reddituum, ac proventuum mensuram Episcopopalium Ilcinen. & Pientin. quantitates præfatis pro expressis habentes, unionem, annexionem, & incorporationem earundem Ecclesiarum ex nunc prout ex tunc, & e contra, cum primam illas percessum etiam ex causa per-

mutationis, vel decessum, aut privationem, vel alias quovis modo, etiam apud Sedem Apostolicam vacare contigerit Apostolica auctoritate tenore præsentium perpetuo dissolvimus, Ecclesiæque præfatas separamus, easque in pristinum, & cum, in quo ante unionem, annexionem, & incorporationem hujusmodi erant statum, restitimus, reponimus, & plenarie reintegramus.

Episcopus uni cuique præficiendus.

§.3. Ita quod de cætero occurrente vacatione earundem Ecclesiarum Ilcinen. de una, & Pientin. Ecclesiis præfatis de altera personis prævideri, illisque in Episcopum præfici debeat, & Pastorem.

Obstantium derogatio.

§.4. Non obstantibus unionem, annexionem, & incorporationem præfatis, ac Constitutionibus, & Ordinationibus Apostolicis, necnon Ecclesiarum prædictarum etiam juramento, confirmatione Apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

Clausula penales.

§.5. Nulli &c. nostra dissolutionis, separationis, restitutionis, repositionis, ac reintegrationis infringere, vel &c. incursum.

Dat. die 23. Maii 1594. An.III.

Datum Romæ apud Sanctum Petrum Anno Incarnationis Dominicæ millesimo quingentesimo nonagesimo quarto, decimo Kalendas Junii, Pontificatus nostri Anno Tertio.

LXXXV.

Luceoriensi Episcopo delegatur executio Primariarum Precum Polonia Regi concessarum, seu indulti conferendi tria Beneficia primo vacatura Ecclesiarum, Gnesnen., Cracovien., Wladislavien., Poshanien., Plocen., & Warmien.

Ex Regest. in Secret. Serv.

Ven. fratri Bernardo Episcopo Luceoriensi.

CLEMENS PAPA VIII.

Ven. frater salutem. & Apostolicam benedictionem.

§.1. UT charissimus in Christo filius noster Sigismundus Polonia, & Sveciæ Rex Illustris personis in fide Catholica, & unione Sanctæ Romanæ Ecclesiæ persistentibus, aliasque sibi gratis, & acceptis se se, nostra, & hujus Sanctæ Sedis ope benignum præfate possit. Fraternalitati tuæ tria Beneficia Ecclesiastica in singulis Gnesnen., Wladislavien., Poshanien., & Plocen., & postquam tamen dilecti filii nostri Georgius Presbyter Radzivilius, & Andreas Diaconus Battorius nuncupati S. R. E. Cardinales Cracovien., & Warmien. Ecclesiis præfate deserint, etiam in ipsis Cracovien., & Warmien. Ecclesiis Civitatibus, vel Diocesis consentientia, etiam Canonatus, & Præbendæ, Dignitates, Personatus, Administrationes, & officia, ac dignitates ipsæ in prædictis post Pontificales majores, aut aliis Ecclesiis prædictarum Civitatum, vel

Concessio, & commissio de quibus in Rubrica.